

धर्मरत्न ब्रह्मचार्य सुरत श्री महाबिहार

OH331

महाराजस्य व्याख्या (कथा)

॥ नमो ॥

॥ १ ॥

ॐ नमः श्रीधर्मधातवे नमः
गावान् गथे धालसा परापूर्वका
सारसत्त्वप्राप्तियांत हीतयाये
विस्तारकनाव महामंडलदये
काव विज्ञातं ॥ गथे धालसा
अने गाभिधुगनयनि मुनकाव
ज्ञात श्वव्यलसकथथ्य पांवा
नकाव छगुलिवनांतरस वि
नांतरजुयुगाथिन धालसा अति

थनं लिह नं विनतियाय हेम
लस छलपोलस्ये ननु लसांसं
यांकारास थव पूर्वजन्मया
काव धर्मया कथा आसा दये
छज्यादिनम आनदमिधुनं
छलपोलदेशांतर हिलाव वि
लिधायाने गरमासमिपसथे
आमयानाव विज्ञात थुगुव
कोमल वाडस्य चोनाव चो नग

॥ राम ॥

॥ १ ॥

उरानषनाव आनंदभिक्षुयास्वाल्स्वयाव आतादयेकल ॥ भो आनंदभिक्षु थुगुभूमि
गाथिनमनोहरस्थान स्वव २ थुगुथानस नानापकारया स्वांन आदिं अनेग सीसाफलस्वान हो
यावचोन थथिगुवनांतर सभतिविस्तारयायेधक आतायेदेऊगुडे नाव शिष्यागगापनिस्पेन ह
तासनं सुवर्गाया सिंहासनतयाव अनेगयातपतं म्बरयालासालायाव विलं थनं लि श्रीभगवान
थुगुआश्रमसविज्ञानाव मनस अतिहर्षमानयानाव सिंहासनसविज्ञानाव भिक्षुगगापनिस
कले कथथं थव २ आश्रमसचोनावचोनं ॥ श्रव्यलसभिक्षुगगापनिसेन थुगुलिवनांतरया अ
तिस्वेभायमानस्वयाव विनतियांतं ॥ भो परम्पखर छलपोलस्पेन थुगुवनांतरस मोक्षलायद
युग मनुष्यगगापनिस हिनयायगु धर्मकथा आताप्रसन्नजुस्पेन विज्ञायमालधक विनतियाक
गुडनेनाव श्रीभगवान ननुलसां आतादयेकलं ॥ भो भिक्षुगगापनि छपनिस्पेन परापूर्वकालस

॥ नमो ॥
॥ २ ॥

इस्करन्यायानावविज्याकल्लवोविसत्त्वयाशरीर. दर्शनयायेगु. इक्ष्वाकुवलाधकं आतास्येकु
गुनेनाव. भिक्षुगणपतिस्तेन विनतियातं ॥ भो भगवान्ध्वं यश्चिन्मिभाग्य. ग्वल्लसत्त्वप्राणि
याउपरस. करुणातयावविज्याकल्ल. थथिनल्लपुरुस्वया. अस्ति दर्शनयायेयेगु. जिमिमनस
इक्ष्वाकुल. भोपरमेस्वर. थथिनपदार्थ. जिपनिस्संदर्शणावियाव. विज्यायमालधक. विनतिया
कगुडे. नाव. गोस्सगोतमनाथन. जुलसां. थुगुवनांतरस. अतिकोमलजुयाव. चोनगुलाहात
न. भूमिसदायाव. थुगुभूमितयज्जानाव. चेत्यथाहाविज्यातं ॥ ॥ ध्वल्लस. आनन्दभिक्षु
पुमुखं. सकलभिक्षुगणपति. अद्भुतवायाव. श्रीभगवानयाचरासभो कपुयावविनतिया
तं. भोपरमेस्वरगोतमनाथ. थुगुचेत्पुकाशयानावगथे दर्शनविया. अथ्यंथोयागुमहात्पर
खसकतां आतापसन्नजुस्सेविज्यायमालधकं. विनतियाकगुडे. नाव. श्रीशाक्यमुनिभगवानन

॥ एम ॥
॥ २ ॥

जुलसां पुनर्वा र आस्ता दय कलं ॥ ॥ भो आनंद भिक्षु आम चैत्य या डने त व धन स महा पुरु
ष या अस्ति दत्त छपनि वना व सोल ऊनि आम अस्ति थन कया व ह कि धक आस्ता दय क गु ने ना
व आनंद भिक्षु न जुलसां चैत्य या गर्भ स डहा वना व शोक वेल स जा जो ल्य मान न ते ज प्रकाश जु या
व चो न गु र व ना व अति आश्चर्य चा या व पि हा व या व श्री भगवान यो के वि न ति या तं भो पर मे
स्वर छल पो ल या आस्ता थं चैत्य या गर्भ स डहा वना व सोल वना नं जा के व ल फ ड्की र या ड न थं
ते ज जो ति प्रकाश जु या व चो न छु हे नु म सि या ध क वि न ति या क गु डे ना व श्री भगवान न जुल सां
मु मु ऊ न हि ला व आस्ता दये कलं भो आनंद भिक्षु अ म जो ति प्रकाश जु या व चो न गु व लु क मे व
ता म पु महा पुरु र व या अस्ति थु का छपनि से न न म स्का र या य जो ग प थु का ध क आस्ता दये का व पु
पुन र्वा र ह न आनंद भिक्षु व ना व थु गु अस्ति न म स्का र या ना व क या व ह लं थ व ल स श्री भगवा रा

॥ नमो ॥
॥ ३ ॥

याथासतयाविलं ॥ ॥ ध्वेलसगोत्तगोतमनाथवनात्र मनसहर्षमानयानात्र आनंदभिक्षु
याखालस्वयात्र आत्तादयेकलं ॥ भो आनंदभिक्षु थुगु अस्ति जुलं मयया अस्ति मधु पूर्वजन्म श
वाधियातः लाहि दानयानात्र उधारयाकलं महासत्त्व राजकुमारया अस्ति थुकाधकंकनात्र स
कलयातं दर्शनवियात्र आनंदभिक्षु यातलवृक्षनात्र आत्तादयेकलं ॥ भो आनंदभिक्षु आत्र थुगु
वस्तुक छलगागावत्यात्र हया उगुलिथासं संतु तययनकिधक आत्तादयेकगुडेनात्र ध्वलमानं
भिक्षु नं जुलसां वल्लभभगवानया आत्ताथ्यं चैत्ययागर्भसंतु उहावनात्र थुगु अस्ति नमस्कार
यानात्र श्रुपोयाथासं संतु नयात्र प्रणामयानात्र लिहावयात्र ध्वलमानं भिक्षु या मनश
अतिसंदेहजुयात्र पुनर्वार श्रीभगवानया केविनतियातं ॥ ॥ भो परमेश्वर छलपोलया
दयान महानवधनपुरुषया अस्ति दर्शनया यधुन आत्र ध्वलमहापुरुषया अस्ति गथ्यसिद्धि

॥ राम ॥
॥ ३ ॥

जुल. श्वया विस्तार घडे. नेगु अति ईक्षानुल. छान धालसा संसार हित याये या कारणा श. जिघ
निस्ते करुना तथा व. आत्ता पुस ननु स्पे विनो ये माल धके. विनतिया क गुभा घाने ना व. श्री भगवा
न ननु लसां. करुणा चित्र तया व. आत्ता दये कलं ॥ ॥ भो आन र भिभु आ व छप नि स्पे न. श्व लम
हा पुरुष या. विस्तार डे नेगु ईक्षानुलसा. जिन क ने एक चित्र या ना व डे. व धके. थ व गु पूर्व जन्म या वि
स्तार आत्ता दय कलं. भो आन र भिभु. गथ्य धालसा. व लम महा सत्त्व राज कुमार न. वो धिस्तान लाये
यानि मित्रिन. थ व गु आत्मा त्याग या ना व व्याप्यात. थ व गु. ला. हि. सम या ना व. थ व गु अस्ति ड थ
ना व. चेत्प या स्व रूप न दय का व त या गु थ का. श्व या विस्तार छन त के ने. एक चित्र या ना व डे न. गथ्य
धालसा. परा पूर्व काल स. गंध व ति धा या न गर. छ गु लि द्या व चो न. श्वे न गर स. महार थ धा या
ना म. राजा छ ल व स ल या व चो न ड. श्व राजा नु यु गा थि न धालसा. अति धर्मात्मा नु या व चो न. सक

॥ नमो ॥

॥ ४ ॥

ललोकनं मान्ययाङ्गनयात्म. महास्तानि. करुणावंत. नीतिज्ञाननं पारंगजुयावचोनस. हनंस
कैलेयुगाविद्याभ्रादिनंसंपूर्णाविद्यासियावचोनस. हनंश्चसमहारथराजायाकलान. सत्यवति
धायामरानिदयावचोन. ध्वरानियापुत्रपनिस्त्वसदयावचोन. ध्वराजपुत्रपनिसयानामदु
दुधालसा. ज्येष्ठसपुत्रयानाम. महाप्रणारधक. हनंसातिस्रपुत्रयानाम. महादेवधक. हनं
स्त्वससपुत्रयानाम. महासन्तधक. ध्वपनिस्त्वसकायमचापनिसहितयानाव. महाभानंद
यानोवचोनजुलं ॥ धनंलिछुद्रुयादिनसं. पुत्रपनिस्त्वसंसहितयानाव. अरोगमंत्रिष
जागगा. सैन्यासिपाहिमुनकाव. थोसमहारथराजाजुलसां. उहोनससितलवनैधक. पूर्वदि
साश. गंधमानपर्वतस. सिधारसितलविम्पातं ॥ धनंलिडरवनांतरैसथेनाव. प्रमा
णाथ्यं. सिपाहि. पुजागगापनिस्तभालाखचनवियाव. दिशास्पतिंसिपाहितयाव. ध्वपनिस्त

॥ गुरु ॥

॥ ४ ॥

भालाश्रवियावसिधारसितलं॥ थोवेलस. वनांतरससिधारयानाव. वनसवासयानाव.
चोनपिं जनावरपनिसयो. मनसगपानाव. धुचला. भालु. मृग. गुफा इत्यादि. ज्ञानाव. उष्यं.
थुष्यंविसेवनपिं. मृगपनिलानाव. मनसभतीहर्षमानयानाव. वनांतरसवासयानाव. व.
नांतससितावचोनं. थोवेलसराजकुमारपनिजक. नलकीडयायेभालपाव. सरोवरयानि
रसवनाव. नानापुकारयाखानथोयाव. खानलुदयाव. थिथिंष्यालयानाव. सितावचोनं. ह.
नंनानापुकारया. सिसाफलधानाव. नयाव. थिथिंखहानाव. वनसडहावनाव. उष्यंथुष्यंख.
लजुयाव. महाहर्षमानयानाव. सितावजुलं॥ थथ्यसितावजुनं२डहाववं२डरवनांतरस.
थ्येनाव. नापवनपिंपुर्जागगापनि. छथ्ये२लानाव. लदानाव. महारथराजानपुत्रपनिस्वत्सं.
मधनाव. वनांतरसहिनुहिलाव. हाहाकालयानाव. आतादयेकलं॥ भोसैत्यगगापनि. श्वगं.

॥ नमो ॥

॥ ५ ॥

धमानपर्वतसदिशाः पतिं वनावराजकुमारपतिमालावहयमालधकं महारथराजाशा
आज्ञादयकगुवचननेनावरासिपाहिगगापतिसेनतत्कारणां थुगुपर्वतसवनावरादिशाः
पतिमालावराथिथिनेनावराजुलं थुगुप्रकारगामालावराजुं २ अथेनं लुयकमफयावराजा
याथासवनावराविनतियातं ॥ भोमहाराज छलपोलयाआज्ञाथं जिपतिसेन थुगु
वनांतरसचतुर्दिशाः हिलावस्वलजुया नंगनं लुयकमफया भोमहाराजधक विनतिया
तं ॥ भोमहाराज जिनमालावरावयधुन थ्वराजकुमारपति गनं लुयकमफ सलसुधांतम
ड फ्रिजिदेशशजकं लिहाविज्जातला भोमहाराजधक विनतियाकगुभाषानेनावरा राजाया
मनसथुलिभालपु अमथ्यजुलनावराछपतिसेन घोजयेयानावरावरा जिदेशसवनावरास्व
लवने जिनदेशयासमाचारवियावराहय सकलं थननकचो नानं मजिल केवलदेशशम

॥ गुरु ॥

॥ ५ ॥

दयावचो न सा. थो राज कुमार. मलयकं छपनि वयम दुःख कथायाव. मालकोषव विद्याव
राजालिहा विज्ञानं ॥ थनं लि. महारथ राजायामनस. अतिविस्मय यो नाव. थव देश
थेनकाव. लोकवेलस. राज कुमारपनि मद्याव. राजायामनस अतीहता सचायाव आकल
व्याकल चित्रयानावचो नं ॥ थनं लि वनांतरस. राज कुमारपनि स्वस्. राजकिजापनि
स्वस्मस्याथिथिं घहानाव. घालयानाव. खानथयाव. सिसाफलषानावनयाव. थास २ शी
तलवायुनवहलपाव. नानाप्रकोरगासिताव उहाववं २ डरवनांतरसलानाव. वनयासिसा
फलेषानानयाव. वनयास्वभास्वयाव. मारति. मांसारव इत्यादिजानं जातया. खानथयाव
खानमालाहनाव. खानमालानकोषायाव. राजकिजा स्वस्मयां. थिथिं सितार. थवनांतरस
अनेग. भुक्. शालिका. कोकिल. मयुर. चक्रवाक. इत्यादि. नानाप्रकारया. फंगलपंछियास्वरडे

॥ नमो ॥

॥ ६ ॥

नाव. नाना प्रकार्या. मृग आदि पं अने गज नाव रप नि स्वयाव. ज वं घ वं मिषा बोधाव. सो क वे
लस. वन या दथु स अती निर्मल लंघनं. संपूर्ण गुयाव चो नग. पुस्करणी स. नाना प्रकार्या
च वल खान. ड फोल खान. पले खान. श्वयाव. लंख स सिताव. सित लयानाव. वलु ऊन फ
स व यो व चो न था से. फाव दि नाव. खान स जु नाव चो न पिं. भमल पानि. हाल व जु व ग. खर डे
नाव महा ड साहन. थुग व नां तर या शो भा. स्व स्वं स्वय म गानाव राज कुमार पानि स्व स्मं. वन स व्या
प्र मान या नाव. सिताव वन स ड हा व वं २ व ना गु म चा याव. अति जंगल स ड हा व नं ॥ श्वयल
स थ. राज कुमार पानि स व ना प. वन पिं. व वा जु आदि स म स्त लोक पानि. सकलै छे खे ला नाव लो
क पानि छ स्मं म घ नाव. मन स चा स चा याव. राजु स्म. महा पु ना दन. कि जा पानि. महा र्व. महा सत्व प
नि स्व स्म स यो. थि थिं खाल स्व याव धालं ॥ भो कि जा पानि. श्व वन स ड हा व ने म ये ल. थ थि न ड र

॥ गुरु ॥

॥ ६ ॥

वनोतरस. छुयातवने. व्याघ्रआदिं अनेगवनजंतुचोन्यथासथ्यन. जिमनसजा. गपाना पू.
स्पवल. हिजिपनि विनास्कारगास. फ्रयमालिन. लिहावनेनुयोधकधावगुनेनाव. किं
जामाहो देवनधालं. भोदानुमहापनाद. जिमनसंभयेद्व. जिनधायेमछाला. हीजिसमा
मववाआदिनं. अनेगईष्टमित्रपनिसवनाप. विजोगनुयुधकं जिमनससंधोद्वधकधा
वगुवचनेनाव. महासत्त्वराजकुमारनधालं. भोदानुपनि. जिमनसजाथुगवनस. छुयां
भयमवना. हनंमामववाआदिपं. थवथितिपनिसनापविजोगनुयुधक. मनससंदेहम
काया. छानधालसा. वल्लपरमेस्वरपनिस्पेन. तपस्यायानावतवगुथास. थथिनपपित्र
थूमिस. नानापुकारया. वनजंतुपनिस्पेन. वासयानावचोनगुथान. हनंअनेगजातंजात
याओषधि. वासलुनंपरिषर्णजुयावचोन. हनंथासअनेगपुस्करणीस. नानापुकारया

॥ नमो वृ ॥

॥ ७ ॥

स्वानहोयावचोन. हनं अरोग. भुक् शालिक. कोकिल. मयूर. चक्रवाक. जीवन्जिव. पंक्षिगन
आदिवासयानावचोन. थथिन मनोहरवनसद्युयाकारासग्यायमाल. जिमनसजाभयध
पागुधुमषनाधकंधायाव. स्वस्रुकीजयाथिथिंषहानाव. अननंदरवनसडहावनवेल
स. वनयामूलगु. जोलसथेनाव. जवंषवं. गुषियाहोलजकर्यावचोनथास. महाजंग
लवनसलानं. थव्यलस. राजकुमारपनि. स्वस्रुडयंथुयंहालधिनार. सोलजुववेलश
व्याधीछससयामचावुयेकावचोनगुषनाव. मेहाप्रणार. हतासचायाव. हताससनाकिजा
पनिसलंतावधालं. भोभोकिजापनि. स्ववेरुंऊजोलस. व्याधीछससया. मचावुयेकाव
चोनगुषेनाव्रधालं. स्ववशधका. राजुनधावगुवचनडेनाव. हताससनेंवांवांवनारसोकवेल
स. वनयामोलसचोनस्रव्याधी. याननंषनं. गथीनस्रव्याधीधालसा. मचावुवगु. ऊ० हस

॥ गुरु ॥

॥ ७ ॥

कृतिनिदयावचो न स. मचातज्ञसदयावचो न. नयेगुवसुकहुं मदयाव. अतीपरिश्रम
जुयाव. भ्येभ्येवलावचो न. हनं अतिउर्वलजुयाव. दनेगुसामर्थमदयाव. पित्याक. प्यास
चावगुनराहजुयाव. ब्राह्मकालनकतयाव. मचायनित्त. उडनोनकेसामर्थमदयाव. थ
स्वयाव. कस्वयाव. अतिकस्तनयाव. हालाव. वारंवारगुसुकालनकोतयाव. पित्याकगु
सहयायमफयाव. थवमचाथमनंनयथ्यसनाव. मायानहनं. फेनुजकफेयाव. चाक२५
लाव. थवमचाथमनंगथ्यनयधकभालपाव. त्रियेजकतोलाव. मिषासघोवित्तयाव
नानाप्रकारगालावचोनं. हनं मोचातस्येन. मामयाडुमवयाव. प्यासचायाव. उडना
लनको. सानुसालाव. विचित्रांत्तांसनाव. मामयाखालनस्वयाव. चाक२५लाव. उडनालन
वेवुप्यानाव. उडमवयाव. उसिधायाव. तिंतिंकुयाव. ग्वलशुलावचोनं. हनं पित्याकगुलि

॥ नमो ब ॥

॥ ८ ॥

नपीडाजुयाव. बाहारजकधायाव. श्वधुचातडासं. प्रानत्यागयायुथेचोन. हनंश्चव्याघीया
परिभ्रमन. दहजुयाव. अतीकष्टन. पीडाजुयावचोनघनाव. माहाप्रणादनधालं ॥ भोकिजा
पनि. आवश्चव्याघीयामचाववग. हसकृतिनिदयावचोनस. नसामालवनेमफयावचोन
स. आवथमनंदनाव. नसामालवनेमफतनाव. श्वयापारागनलेनिव. मामयाप्रानमद
तनाव. मचातसप्राणागाराक्षानुयुधकं. दनुसमहाप्रणादन. धावगुवचननेनाव. महास
त्वरानकुमारराधालं ॥ भोदनुमहाप्रणाद. श्वव्याघुधयापनिसया. आहारादुषव. धकधा
वगुवचननेनाव. महाप्रनादनधालं ॥ भोकिजा. वनजंतुधयापनिसया. सिंह. व्याघ्र. राक्षस
पनिसयाआहाराजुलं. सद्यमांस. विनांनमेवताआहारामयाक. थोनेयाकाररास. विनां. ला
हिमदयकं. श्वपनीसयाजीवरक्षा मजुव. आवश्चसव्याघियात. ग्वस्रकारुनावंत. पनिसेनथे

॥ गुरु ॥

॥ ८ ॥

वृश्चात्मात्यागयानावृ. थवृगुलहिनकावृ. थपनि सजीव रक्षायायुवृ. थसयात असं व्यपुण्य
फललायुवृ. विनां थवृगु आत्मात्यागमयास्यं. थपनी सया जीव रक्षा मजुल. थसंसार स. थ.
वृश्चात्मात्यागयानावृ. थपनि सजीव रक्षायायुपिं. गन द्यु. थतेया कारणाश. मामच्छ सया
प्राण रक्षा मजुल नावृ. मवान जल सं फुत धकं. महाप्राणादन धावृगु. वचनेने नावृ. महो सत्व
राज कुमार न धालं. ॥ भोदाजु पनि. आम छुष हू नावृ विज्याना. संसार स मेव या प्राण रक्षा याय
या कारणा स. तपस्या या नावृ चो न पि. अदिकं द्रव. छान धाल सा. मोक्ष गति लाय या कारणा श.
अने ग कष्ट न यावृ चो न पिं मडला. हिजी सजा अज्ञानी मूर्ख जे यावृ. चो ना या नि मि ति न थका. छुं
मसिल. गथ्य धाल सा. थवृ प्राणा त्याग यात सा. ऊऊ व्याधु पनि पु स स यां जीव रक्षा जुल. थलि
या क म द न नावृ. थपनि स प्राण मोचन जुल. थतेया कारणा स. ग्व स धर्मात्मा जु यावृ चो न. वृ स

॥ नमो ॥

॥ २ ॥

मनुष्यपनिसेन. श्वपनिसया उपरस. प्राणात्यागयानाव. अवस्येनं बोधितानलानाव. सम्पकसं
द्रयापदलानावचोनेयुथकाधकं. स्वस्मसयाथिधिं. परस्परषकानाव. ताडतिंविस्तारजुयाव. स
जुमहाप्रणादन. किनापनिसधातं ॥ भोभोकिनापनिआवधनचोनेमयेल. लिहावनेनुयोध
कं. बोधयानाव. स्वस्मफकीजंलिहावलं ॥ ॥ धनंलिग्वस्म. महासत्वरानेक्रमारनमनश
भालपू. केवलव्याधियाकेमनतयाव. मनसकरुणाचित्रउत्पन्निजुयावधातं. आवधव्याधिउ
धारयोयन. अवस्येनंजिगुआत्मात्यागयानावविषे. आवधनरदेह. शरीर. ताकारंम्वानावचोना
यादुप्रमोजन. श्वशरीरजुलं. चानंहिनं. नयगुनियगुलि. भुलयेजुयावचोनानं. वलनचोने. छ
कुयादिनस. अवसेनंमत्सुजुयाववनेमानिथुका. दानधर्मयायमफतनाव. परंनुनरकसभा
गयायमालिव. हनंयाथजुयाव. महाडः. स्वसियावचोनेमानिथुका. दानधर्मयायमफतनाव

॥ गुरु ॥

॥ २ ॥

थथिनपापदेहन. तोकपुयावचोनगुशरीरतोलेहतासजुल. आवतलेजाजिनपापकर्मया
नामडुनि. हनंम्बानावचोनसां. लिपनसपापयांयमालिव. थोतेयाकारणस. थुगुशरीरतो
लताव. श्वव्याघ्रपनिसया. पाणाश्वायायेजुलधक. भालपाव. संसारयाउपरस. कसूणातया
व. दानुपिं. महाप्रणाद. महादेव. निससयातंधालं ॥ भोदानुपनि. छपनिबूलुऊनवनाव
चोनऊनि. जिनमामयातधक. घानावतयागु. शीजिराजकुलसमदयावचोनगु. वनयाचीज
अमुलेवसुककायलोमन. आवथुगुवसुकवालसागनंमंड. श्ववसुकथथ्यंकयाववपर
छपनिवनावचोनऊनिधक. नानापकारण. दानुपनिसहेयेकाव. लितछोयावहलं. श्ववल
सदानुपनिसेन. खवकाधकभालपाव. निसंलिहावलं ॥ थनंलिखसमहासत्वरानक
मारणजुलसां. हायायागुललिस्प. लिहावनाव. श्वस्व्याघ्रिचोनथास. जोलेयासपिपसथ्य.

॥ नमो भू ॥

॥ १० ॥

नकलवनाव. थवससचोनग. आभरणा. एतयामऊठ. निलहिल. तिसावस्रदकंत्वयाव. सिमा
याचोसषायाव. निरवस्रजुयाव. थुतिआतादयकल. हेमगवान. हेथकालेविन्यानाव. चोनपिं
श्वसंसारस. चयपेलख. प्राणिसकले. थुगुदनयानांगुपणेन. उद्राजुयमालधकं. कामना
यानाव. दानयायेतेना. हुनंथुगुपणेन. जिनजुलसां. अनुन्नरणानलानाव. सत्वप्राणिपिं. उद्धा
रयायफयमालधकं. कामनायानाव. परउपकारयाकारणास. जिनश्चशरित्वलतेतेना. थु
गुफयेन. जिनबोधितानलानाव. प्रत्येकबुधपतिस्पेन. पूजायातकाव. स्वर्गमध्यपातालयां. सं
सारसमुद्रयांभयमुमालकाव. संसारसमुद्रनपारंगजुययाकारणास. जिनथुगुशरितोल
तेतेनाधक. महासत्वरानजुमारनजुलसां. आकाशसथस्वयाव. लाहानहानलपाव. पर्वत
याचोसचोनाव. मिषातिसियाव. विलश्नुलाव. जोलसचोनस्वयाधियासमीपसथेनकल

॥ गुरु ॥

॥ १० ॥

वनं॥ ॥ ध्वजलसध्वजस्य धीनजुलसां महासत्वरजकमारः थवसनिपस जुतववगुषना
वभक्षयायधकभालपावः स्वकवेलसः परिश्रमनसंजुक्तजुयावः स्नेगुसामर्थमदयावः वा
हारजकषायावचोनः थस्वयावग्वस्मकरुणावंतः विचक्षणा राजकमारणाः थुतिमनसभालपु
आवगथ्येयायेः थस्वयाधियाजुलं परिश्रमनसहजुयावः जिगुलाः हिनयमफतः आवजिथ
मनः घालदुनाववियमालः आवजिथवकेवालसाः शस्त्रअस्त्रधुमडुः आवगथ्ययायेमालः ध
कभालपावः अननंदनावः थुगुवनांतरसउहावनावः शस्त्रमालजुववेलसः नाकारंदयावः पा
कयेजुयावचोनगुः वपिवाला छगुलिलुयकावः थुगुवपिवालाजुलं स्वर्गयावानलुयावचोन
षनावः थवथेथमनं हर्षमानयानावः व्याधियाहेवनेवनावः पूर्वमुखयानावः थवशरिरस
थमनंप्रहारयानावः हियाधाराव्याधियास्त्रजुसलातकावः हिजुलिलुजुसतयावविलं॥ ॥

॥ नमो ब्रू ॥

॥ ११ ॥

थनं लि व्या धिन जु ल सां अती हर्ष मान या ना वः महा स त्व राज कु मा र या सरि र स चो न गु ला
हि क्ष रा मा त्र नं स्व षे न या ना वः भ क्ष या ना वः अ व्या धी अ ति व ल वा न जु या व व ल ल ना ना व व लं
थ नं लि ह नं धु चान ड ल स्य नं मा म या ड ड तो ना वः अ ति व ल ल ना ना वः ति तिं ऊं ऊं सि त ल जु य फ
तं थ ने प्र का र नः महा स त्व राज कु मा र या सर्वां ग स री र या ला न ये धु न वा वः थ ल स व्या धी या मो
चा न स हि नं व न स डु हा व नं महा स त्व राज कु मा र नं नि र्वा ण प द ला ना व वि ज्ञा तं ॥ थ व्य र
ल स प धि वि सः पु ता प्र का र ण भु मि कं प मा न जु लं गु गु प्र का र ण धा ल सा हा पां स मु ड या द थु
स चो न गु दं गा स न थ्यं तु नु तु य क लं ह नं श्री सूर्य या की र्णं लं ग ह नं जो ना व न व थ्यं अंध का
ल जु या व व लं ह नं आ का श स दे व ग रा पिं इ डु प्र भि तिं अ प स रं ग रा प नि स क ल्यं थ ल स महा स
त्वर राज कु मा र ण थ व श रि र थ म नं धा ट क या ना व व्या धी या न र क्त मां स क्ष न या क ष ना व स म ल दे व

॥ ११ ॥

॥ ११ ॥

गरापनिसकलेसुपमानवायाव. धिधिंहालाव. धंममहासत्वरजकमारधकं. आकाशश
चोनाव. पूजायानाव. पालिजातस्वानवागातकाव. अनेगवायेथानाव. लोत्रयानाव. हलं. ह
नंथसराजकमारन. गथेथवगुभात्मात्यागयानाव. परयापाराएशायान. अथांथसमहा
सत्वरजकमारया. मनोवांछापूर्णाजयेमाल. हनंथसराजकमारया. जन्मजलाव्याधि. मत्पुज
यमुमालकाव. ननानं बोधिज्ञानलानाव. बोनेइयेमालेधक. देवलोकपनिसेन. नानामाथनआ
सिर्वाइवियाव. लिहावनं ॥ थनंलिहनंवनयासिमासवोनपि. रंगलपंशि. आकाशशवोस्येजया
ववोपि. रंगलपंछि. कटिनवलं ॥ हनंभुमितपज्यानाव. हनंमिलयजुलं. हनंसमुडण. समुडमिलयजु
याववनं. हनंसमुडवायाव. थिरनवोनवनं ॥ थुगुपकारण. उत्पाननवायुनवहलपावजुयान्न. स
जयाकिरणसुखंत. घनेमइयक. उत्पानजुवगुषनाव. वनांतरसवोनवनरेवीयामनश. अतिआकल

॥ न. मो. ७ ॥

॥ १२ ॥

व्याकुलजुयाव. स्वलवनवेलस. महासत्वरजकुमाररा. प्राणागगयानाव. चोनघनाव. धंमे
२ महासत्वरजकुमारधक. गुणावर्णयानाव. चोनं ॥ ॥ थनंलिखत्समहासत्वरजकुमारया
राजुपिं. महाप्रणाद. महादेवनिस्त्रयां. किनामहासत्वरजकुमार. लिहावयेव. नापंराजकुल
सवनेधक. पियावचोनपनि. पृथिविकंम्यमानजुवगुषनाव. राजुमहाप्रनादन. किनामहा
देवयातधालं ॥ भोकिनामहादेव. थपृथिवीकंयमानजुवगुयालक्षराजा. भिनगुमधु. गथ्य
धालसा. सप्तसागरपर्यंतं. थपुकोपुजुयाववल. हनंदशदिगर्स. श्रीसूर्यया. किरणामदया
ववने ॥ हनंआकाशसधालसा. नानावाद्ययासदवल. हनंहाव. फिजिसखत्सया. वहानाव
चोनाथासधालसा. खानद्रोगातकावहल. थयालक्षरागाथषव. भोकिना. महासत्वरधाल
सा. थथ्यंत्रयधकवनेस. आवनलेमंवरि. जिमनसजासंदेहजुल. भोमहादेवधक. राजुन

॥ गुरु ॥
॥ १२ ॥

धावगुवचनेनाव. महादेवगाधालं. दुयायेभोदानु. महासत्त्वयातलितछोयागुज्यासे
न. छानधालसा. जिमनसभतिवासंघाजुल. थकिजानंजा. हिजिस्तहेयेकावतथ्येमाल.
थथ्यहेयेकयुगुमसियाअवस्येनंछनधायाथं. थवजीवत्यागयानाव. थव्याधीपनिसरसा
यातलापसिया. छानधालसा. हावहिजीस. दिनावचोनाथास. थवधनवेल्श. अतिकरु
णातयावधाल. ऊऊव्याधीयामुचावयाव. अतिपरिश्रमजुयाव. नसामालवनेमफत. थव
म्बानथमनंनयगु. इक्षायानावचोन. थथीनव्याधीयात. सुनानरक्षायामुधकं. नानापुकार
राकरुणातयाव. थवत्यागयानावनकेथंषहाकरुजिनताया. थनेयाकारणास. जिमनश
भतिसंदेहजुलधकं. थिथिंखहानाव. मनसआकलव्याकलयानाव. हापावनागुललिस्यंलि
हावनाव. व्याधियासमिपसथ्येनकलवनं ॥ ॥ थव्यलसव्याधिवोनथासमदयावचोनंघना

॥ नमो बू ॥

॥ १३ ॥

भीनकंचित्रतया वस्वकवेलसः चौरिगसं हि वभ्यतल वचो पन्ननुयावः चिवा दना वचोन गुष
ना वः मिषा सषो वीतया वः हा हा कारया ना वः उष्यं पुष्यं स्वलनु ववेलसः थुगु जो लया दथु सव्या
धी चोनथा सः हितिकि २ न ना वः चोन गुः असंध्यं दया वः चोन ष ना वः हा हा कारयाः अवस्पनंः जिकि
नाम हा सत्वर राज कुमार नपा रागा त्या गया तका धकः भाल पा वः स्वलनु ववेलसः सिमा या चो सः म
हा सत्वर राज कुमार या गुः मऊत आदिः तिसा वः सत पा या वः तव गु ष ना वः मन स हा सा मिंक वः ना वः
हं चाना वि या गुः सिमा गो लनु वः थ्यं भ्यत वः ला वः मूर्धन्यु या वः वः नं ॥ थनं लिख विल ना वः
विष्टा दया वः नाना तर हनं विला पया नं गथ्य विला पया तला धकः धाल साः कलिल मा सः तव फस
न कया वः गो लनु वः थ्यं वल २ तु ला वः विला पया नं गुगु पकार न विला पया तला धकः भो कि नाम
हा सत्वरः जिप नि अशानि मूर्ख प नि सः हे ये को वः छुन गथ्य पान त्या ग या नाः हनं जिप नि सः संक्षप ना

॥ गुरु ॥

॥ १३ ॥

पंमकोस्पृष्टकांतन. थथानिनिलंजनवनयाजोलस. गथ्यप्राणागयानाव. पानतो लताव.
चोना. भोप्राणासमानकिजा. छनगुगुणातान. जिमिस्पनगथेलोलमनकावचोने. जियनीसयामा
यात्यागयानाव. वनेगुगथ्यचित्रजुल. हायकिजाश्आवजिमिस्पेन. गणावनावखालस्वय. हा
येहायेमहासत्वकिजा. आवछथिनस्मेरत्नमस्तनाव. जियनिम्बानावचोनायाधुपयोजन. जी
पनिसयांप्राणागयानानंभीनथुकाधक. नानामाथनघोयाव. विलापयायांश्स्वस्वंखोपम
फयाव. मूर्छाजुयाववनं. हनंचेलादयाव. वपदनावस्ववेलेस. किजायावचद्वं. चिवाथना
वतवगुखनाव. जुगलयाविरहनंसहयायेमफयाव. हिहिलनकाव. घोपमफयाव. थवनग
लसथमनंदायाव. भुमिसकेकेतुलाव. नानापकारणविलापयानं. हायकिजाछथीनप्राणाया
ततो लताव. जियनिगथ्यवने. हनंमाम. ववापनिसेनसिलनाव. गथ्यप्राणाधिर्नयांपुवगुगुप.

॥ नमो ॥

॥ १४ ॥

कारणाधिर्जविय. सुपतितनुयु. जिपनिसयागथिनहवात्तुल. थथानप्रवष्टायानात्र. वनिगु
मताया. हेषीयपाणा. आवजिपनिस्येन. मामववायाच्चालगथ्यस्वलत्रनेधक. नानापकारणा
विलापयानात्र. स्वकसंतापन. व्याप्रजुयात्र. स्मृतस. ईल. लाल. धे. इत्यादिमदयात्र. कथुगनात्र
वाहोश्जकषायात्रचोनघनात्र. महाप्रणादन. हतासनंलैखहयात्र. किनामहादेवयात. लंखतो
नकात्र. फयाथ्याधिर्जवियात्रधालं. ॥ भोकिनामहादेव. आवदुयाये. हिजीसअभागीअनारीप.
निस. तोलतात्र. थत्रएकांतनवोधितानलानात्रवन. थथिनस्ववधिवंत. हिजिसगणादयुव. थ
स्मजुलंमेवमधु. शाक्यमुनिथुका. हिजीसंवोधयायेयाकारणासजुको. राजकुमारधायकात्रज
नेजुलवल. दुयायेहतासवायमतेधक. नानापकारणाधिर्जवियात्रकिनामहादेवयामिषाश
चोनगुषोविजयकात्रचोनं. ॥ थनयाखथुति. ॥ थनंलिपजागरापनिस्येन. वंकपर्वतया. व

॥ गुरु ॥
॥ १४ ॥

नांतरस. राजकुमारपति. मालजुयानं लुयके मफ्यात्र. गंधमानपर्वतया. जोलभालपति. विव्य
कमयास्प. थुगुगंधमानपर्वतया. दिगाविदिगसकभिर्नमालात्र. हाहाकालयानात्र. सोलजुयानं
महयात्र. थिथिंडेनात्रजुलवेल्स. वनोतरस. विलापयाकगुशहतायात्र. राजकुमारपति. मालजु
वपि. पुर्जागरापतिस्प. तायावधालं ॥ ॥ भोयासापति. थथिनवनोतरस. सुषोयात्रचोनख
लवनेनुयोधकं. खलवनवेल्स. इरवनयाजोलस. महापराह्व. महादेवत्र. निस्रश्रतिविलाप
यानात्र. चोनषनात्र. हनं विस्रमहासत्वरजकुमारया. मनुकआदिनं. तिलहिलसकतां. सिमायात्रो
सषायात्रनत्रगुषनात्र. हनं राजकुमारयाअलि. थुगुवनयाजोलस. उध्यंथुयं चिवाथनात्र. नवगु
खनात्र. हनं राजकुमारपति. निस्रविलापयानात्रचोनषनात्र. जुगलनंसहयानांसहयायमफ्यात्र
थसिपाहिमकले. ग्वलशुलात्रनानामाथनविलापयानं ॥ हायशराजकुमारधकषोयात्रचोनं

॥ नमो बू ॥

॥ १५ ॥

श्वव्यलसहस्रनिस्रानिजनपनिस्पेन. धीर्जवियात्र. महादेव. महाप्रणारद्व. निस्रसयाकांवि
नतिघात. भो राजकुमार. विलापयास्यविन्यायमते. दुयाये हीजीस. अज्ञानिपनिस्त्र. छलयेया
नात्रथवृत्तान्तन. मोक्षपदलानात्रविन्यात. श्वस्रजुलंशाक्यवंशथुका. विनां बोधितानमस्पूतं
थुलियायेधयागुमहाकष्टथुकाधक. नानाप्रकारणा. धीर्जवियात्र. विस्तारणा. मालकोषसक
तांविननियानात्र. उष्यंथुष्यं चोनगु. अस्मिकोचदकां गोलमुनात्र. फयाथ्यधिर्जयानात्र. राजकु
मारपनिनिस्रं. प्रजागरापनिसेन. नानाप्रकारणा. भलसावियात्र. बोनात्रहलं ॥ थनयाषथुति
थनंलिमहासेत्वरजकुमारयामाम. सत्यवतीरानियाजुलसां. राजकुलयाभंतपुरस. ५००५
सल. सविपनिस्पनलितकात्र. आनंदननिंजाजुयात्रचोनव्यलस. रानियास्वप्रांतरस. अतिअ
मंगलगुषनं. गथ्यखनलाधकधालसा. हापांथवृशरिरसचोनगु. उडनियांकुतिनवनधकं. ह

॥ गुरु ॥

॥ १५ ॥

नंथवसूतुसचोनगु. दंतधाय. द्राहायाववलधकं हनंशरीरस. मुलुनसुमाथ्येनकावचो
नं. हनंथवद्वेस. लहिनावतया. वलषूनिखस्रपाषासिस. सितावचोनधिं. वषुनिखस्रसछ
स्र. पाषासिस. सितावचोनधिं. वषुनिखस्रसछस्र. सतानंदायोवयनधकं. श्वतेप्रकारशो. स्वप्न
सर्वेनाव. भूमीकंपमानजुवगुलिन. इलनचायोव. रानियामनश. अतीसंदेहजुयाव. मनस
भालपु. थनियादिनस. गथीनगुस्वप्नसघन. श्वयालक्षणाजावानमलाक. हनंमषनाथे. भू
मीकंपमानजुल. श्वतेसनगुजाभीतिमजुव. अवसेनंथयाफलजा. विपुतिनि. आवगथेया
य. जिपूत्रपनिधालसा. सिघारवनपनि. लिहामवनि. श्वपुत्रपनिखस्र. आनंदनवयमाल
धकं. रानियामनस. अतीआकलव्याकलचित्रयानावचोनं॥ ॥थनंलिसषिछस्रसेन. रा
नियामनसअतीसंदेहजुयावचोनषनावेविनतियातं॥ भोमहारानि. थनियादिनंसे. छलपो

॥ नमो ब ॥

॥ १६ ॥

लया मनस छाया अंदोल चित्रया नाव विज्या नाधकं विन निया क गुडे नाव महारा निन आ
शादय कलं भो सधि थनिया दिन स स्वप्रांतर स अती अमंगल गुषना भो सधि श्वया विस्तर
र राजा यातं कने मानि वने नयो धक धाया व सधिसहितं अंत पूर स वना व राजा या के विन ति
यातं ॥ ॥ भो महाराज फिजी स पुत्र पति स्वस्मं वन की ज वन पति आवत लें लिहाम वनि स
माचर गथ्य ष व थनिया दिन स धाल सा जित्त ग स श अति क फल गुषना श्वया फल गथ्य
तं जु य कृप्य भो स्वामि जि मन स अती सें दे ह जु या व विन निया य धक व या गथ्य धाल सा ह
पां जित्त ग स स चो न गु डड नि पां कति न व न ध क ल न ह नं स्तु स चो न गु व हा या व व ल ध
क ल न ह नं जित्त स मूल न पु या थ्यं व्य था जु या व व ल ध क ह नं पा घा सी स सिता व चो न पि
वल पु नि स्वस्म स छस् सतान नं स या व य न ध कं ल ना श्वया ल क्षणा गथ्य ख व ध कं जि म

॥ गुरु ॥

॥ १६ ॥

मनसजाः अतीसंदेहजुलधकंधायावः तत्कारणं जोतिकाः पंडीतपनि सलताव्रडनंः थवे
लसजोतिकाः पंडितपनिसेनः पस्त्रविचालयानाव्रविनतियातं ॥ भोमहाराजः थस्वप्न
यां लक्षणाः भीनजामजुवः शोकायाभयथुकांधकः विनतियाकगुडेनावः राजारानिनिस्
सयोः मनसअतीधंशजुयावः मुमुकंचोनं ॥ थोव्यलसः रानियासधिपनिसयां मनस
धंशजुयावः पिनेपजागणपनिसेनः दुधुधाव्रधकंसमाचारडेनास्वयेधकंभालपाव्रपि
हावनवेलसः पजागणपनिस् थिथिखल्लकगुडेनावः हताश्सनंरानियाअंतपूरसवना
वः विनतियातं ॥ भोमहारानिः मिजिराजकुमारपनिः सवनोपवनपनिः पुर्जागणपनिसेरा
जाः राजकुमारपनिलुयकेमपस्यावः लिहाव्रलधकधालः हनंवल्लसेनं महासत्वरजकुमा
रः छल्लजामतधकधाव्रथचोनः पव्रलामपुलोधकविनतियाकगुडेनावः रानियामनशर

॥ नमो ॥

॥ ७ ॥

सामिंकरनाव. मिषासघोवितयाव. हुताश्सनं. महारथराजायाथासवनाव. मिषासघो
भितयावविनतिघातं ॥ भोस्वामिछलपोलयाकोधालसा. दुंविचालमडुजिधालसामन
मचोन. जिपुत्रपनिआवतलेंलिहामवनि. लोकनधालसा. मदतधयाथ्यंषूहाक. षवला
मपुला. विचालयास्यस्वस्यविज्याऊनेधक. रानिनविनतियाकगु. भाषानेनाव. महारथ.
राजायामनस. अतीत्रासचायाव. हाहाकालयानाव. राणियारबालस्वयाव. आज्ञादयेकलं
भोक्ताने. आस्येशहतासचायेमने. थथ्यंसेमसिपाहिपनिछोयेधक. धिर्जवियाव. थवथाश
चोनपिं. पुर्जागरापनिसलताव. आज्ञादयकलं ॥ भोपुर्जागरापनि. छपनिथथ्यंवनार
जकुमारपनि. स्वसंचोनाव. तत्कारणावयेमाल. अथवाअनराथपरजुल. थोयाउत्राजोनाव
ननानंवरयेमाल. धकधावगुवचननेनाव ॥ पुर्जागरापनिसकलें. राजकुमार. मालवनेधक

॥ गुरु ॥
॥ ७ ॥

गमनयानाव्रतनं॥ ॥थनंलिरानिनजुलसां.पुनर्वाविनतियातं.भोमहाराजजि
पुत्रपति.वचयेजुयुधयागजा.महाकष्टजुल.छानधालसा.जिस्वप्रसधनाग.ऊफल
विजोगजुयुगुखनेधुन.अवस्येनंसुफलमजुल.थोतेयाकारणास.शोकचिंतानदाहजु
ल.अवस्येनंजिगुपारालेनिमघुत.भोमहाराज.थोतेयाकारणास.जिपुत्रपतिगुसमा
चार.दत्तसांमदत्तसां.ननानंथेकनादयेकेमालधकं.नानाप्रकारणाघोयावविनतियाना
वचोनघनाव.रानियासंतपुरस्वोनपिंसधियां.रानियांमनसअतीविरहजुयाव.राज
कुमारपतिसयागुगालुमनाव.जुगलनंसहयानांसहयायमफयाव.कलिलामागी.
लुतवथ्यं.गोलशुलावविलापयातं॥थथ्येविलापयाकखनाव.राजानरानियाखा.
लखयावभातादयकलं॥भोकातेअमथ्यहतासचायमतेधिर्जयानावचो.हकनंमं

॥ नमो ॥

॥ १८ ॥

त्रिपतिहोयात्र. स्वोत्तकालहोये. धंशकाये मते धवं. रानियात धीर्ज विद्यात्र. मंत्रीपनी सल
तात्र आस्तादये कलं. भो मे त्रिपति. छपनि थथ्यं वनात्र. जिपुत्रपनि स्वसं. तत्कारणां वो नात्र
हयमालधवं. राजान आस्तादये क गुं डे नात्र. मे त्रिपति सेन. नामा प्रकारेया. शस्त्र अस्त्र जो
नोत्र. लोके पति सकले सुना वन ॥ ॥ थनं लिगंधमान पर्वत सथ्य न वे ल श. हापा
वनात्र चोनपि. लोक जनपति. नापलाना वनया विलासकतां कनात्र. महासत्वर राज
मारजा. थवथ्यथ मन. स्वइछान. धुयात थव गु. ला. हिनकात्र. स्वर्गवास जुयात्र वनधवं
अनजु कोखं सकतां कनात्र. थने समचार डे नात्र. उगलनं सहयानां सहयाय मफयात्र. हा
ये २ महासत्वर राज कुमार धक. विलापयानात्र सकस्यां शिलश चोन गुतु पुलितो यात्र. हाहा
कालन खोयात्र. चोन वे ल श. महाप्रणादत्र. महादेव वनिस्स सया शिलस मतु कमदय

॥ ५८ ॥

॥ १८ ॥

काव. महाशोकयानाव. कोछुनाव. ववषनाव. धिधिंविचालयानाव. धीर्जवियावविगा
नियानं॥ भोरानकमार. छुयायेहतासचास्येविज्यायमनेधकंनानामाथनधीर्जवियाव. स
कलेंगोलमुनाव. लिहावलं॥ ॥ थनंलिहनकनं. गोस्ममहारानिया. मनमचोनावपु
नवीर. थवस्वामियाभ्रंतपूरसवनाव. विननियानं॥ ॥ भोस्वामिआवगथयाय. जि
धालसाशोकयासंतापन. दाहजुयावचोन. थतेयानिमिर्त्रिन. विननियानवयाधकं. नाना
माथनहालाव. वपदनाव. ताजायावचोनगुवसंनपुरसवनाव. लसवललाधक. आसानख
लवनवेलश. यानसलोकपनि. गोलमुनाव. सिलवस्वमदयेकववगुषनाव. हतासनंक
चोनवयाव. महारथराजायाहेवनेचोनाव. सफहनतयाव. थवगुगलसथमनेदायावम
हाविलापयानं॥ भोस्वामिभवसेनंजिपुत्रपनिसवनापविजोगजुलधक. अत्यंतअपमानवा

॥ नमो ॥

॥ १२ ॥

याव. घञ्चयमफयाव. मूर्च्छायाव. वनं ॥ थनंलिरानिमूर्च्छायाव. वनगुषनाव. महा
रथराजान. हताश्चसर्नशीतलगुलंषहयाव. रानियासस. लंखनहाहायानाव. लाहानजो
नावथस्पंलि. रानियावेशदयाव. जासुकालनयाव. दनावसुमुकंचोनं ॥ ध्वलसमहार
थराजान. भ्रंनेगप्रकारणथवकलानयात. धीर्जविद्याव. धालं. हेपीयेहेकानेछहतासचा
येमने. उमडथथांजिन्ननाव. सोलवनेधक. रानियातवोधविद्याव. महारथराजान. थवमं
जीवोनाव. धाकायापिनेवनाव. समाचारिनेधक. भालपावपिहाविज्यातं ॥ थनंलिराणि
राश्रंतपुरसचोनाव. विलापयानाव. चोनं. ध्वलसमहारथराजायामनस. अतिशोकया
नाव. महामंदपसवनाव. पियाव. चोनं ॥ ध्वलसपविलनाव. राजकुमारपनिनिस्त्रंअतिस्व
कयानाव. शीलशमनुकमदयक. मंत्रीपनिसयाससभोकसुनाव. विच्छंदरूपयानाव. लस

॥ १२ ॥

॥ १२ ॥

वृषणाव. महारथराजायामनस. अतिनंहतास्वायाव. धानवनाव. पुत्रपनिस्केवनया
विस्तारसकतां डेनाव. पुजागणपनिसेनधुंधायेमफयाव. हिहिजकमिनकावचोनवनाव
राजानभत्यनविलापयान्तं ॥ ॥ श्वेत्तस. राजानविलापयाकखनाव. पुजागणपनिरा
जकुमारपनि. सकत्पान. नानापुकारणाविलापयान्तं ॥ थथेविलापयानावचोनवेलशमं
शीछ्मसेन. महासत्वरजकुमारयागु. मनुकजोनाव. वृषगुखनाव. महारथराजा. कलीलामा
फसनकयाव. भेनवृथंभुमिसगोलुलाव. तवकष्टनविलापयान्तं ॥ राजानम्रतिविलापया
कखयाव. राजायानवोधयाययाकारास. गुरुपोहितपनिसेन. नानापुकारणावोधविया
वविनतिनयान्तं ॥ भोमहाराजधिर्जयानावविज्याऊने. जिनछताविनतियाये. महासत्वरजकु
मारजादनिथुका. वनयाविस्तारजिनकने. रिजिराजदारसलिहानिविज्याऊने. धकवोध

॥ नमो ॥

॥ २० ॥

यानाव्रचो न वे ल स. मेव स मं वी छ स थ्य न क ल व या व. पुन र्वा र वि न ति या तं ॥ भो म हा
रा ज दु या ये ह ता स वा से वि न्पा ये म ते ध क. व न या वि स्ता र स क तां वि न ति या तं ॥ भो म हा रा
ज. वि ना स्का रा रा स प्रा णा त्मा ग या क गु म षु. सं सा र या का रा रा स. व्या धी या न क ह्णा न या
व. स त्व प्रा णि या के मा या न या व. प र उ प का र या य ध क. र स जु या व. म चा वु र्र गु रू स कृ ति नि
द या व्र चा न स व्या धी ष ना व. अ ति क ह्णा न या व. ध या म चा त र क्षा या ये या का रा रा स प र्व त
कृ ति न व ना व. थ व आ त्मा त्मा ग या ना व वि न्पा त. भो म हा रा ज दु या य. जि न वि न ति या ये मा
ल जा म षु. सं क्षे य स क तां सि धा व वि न्पा क ल छ ल पो ल थु का. थ स म हा स त्व रा ज क मा रा रां
जा. वो धि स्ता न ला ना व वि न्पा त थु का. श्री जी स अ ज्ञा नि जु या व्रे नि मि र्ति न थु का. छुं म सिल. थ्व न

॥ राम ॥

॥ २० ॥

पाकारणासः किञ्चित् बोधितान् केनावृततथलथकाः भोमहाराजः भोमहाराजः थथानल
कारुणामयेयामहिमाजिनगथेविनतियायेधकः मंत्रिनविनतियाकगुनेनावृतः महारं
थराजाजुलसां हवचानावविद्यायुः सिमागोलतुवथ्यः भूमीसगोलतुलाववनं ॥ थव्य
लसराजामूर्धन्याववनधनावः प्रजागारापनिसकल्यैः गोलतुलावविलापयानं
थथिनगुअवसलसः गुरुपुरोहितपनिधानवनावः राजा मंत्रिः काजिः भाराक्षरपनिस
कलयानं शीतलगुलंखनः हाहायानावः लाहानजोनावथनावः अनेगतरहनधिर्जवो
धविद्यावः विनतियानं ॥ भोमहाराजछलपोलस्पनः अमथ्यविलापयानानः राजकु
मारपनिसेनः गथ्यसहयायुधकः थमवानथुलिषुनुंविवालयानावः अमिगुद्यालस्व
यावः चित्रधिर्जयानावविज्याऊनिधकः विनतियाकगुडेनावः मनसषवधकभालया

॥ नमोऽस्तु ॥

॥ २१ ॥

व. उरुऊनदनाव. मंत्रीयाद्यालखयाव. राजानआज्ञादयेकलं ॥ भोमंत्रीआवदुयायजि
गोसपाणावसमानयानावतयास. पुत्र. वनयाजंतुनफुतकले. आवहनंम्बानावचोनप
निरांजकुमारपनिसेन. किजायाशोकनदाहजुयाव. गथेतंजुयफव. आवदुपनिसेन
राजकुमारपनिस्तधीर्जवियाव. राजकुलसवोनावयव. हनेथ्वपनिसयामामन. हा
हाकालयानावचोनतिनि. थोतेयाकारणास. विलंभयायेमजिल. विलंभजुलनाव. ग
थेतंजुयफवधकआज्ञादयकाव. महारथराजाप्रभृति. सकलमंवि. पुर्जागाणसकलंमु
नाव. राजकुमारपनिस्त. फयाथधिर्जवियाव. उलुऊन. गंधवेतिपुरनगरसथेनकल
किम्पानं ॥ ॥ ध्वलसराजकुमारपनिसेन. मामयादर्शनयातवनेधक. वनव्यल
स. राजकुमारपनि. निलजकाषनाव. महासत्वरजकुमारमषनाव. गथामोचाननस.

॥ गुरु ॥
॥ २१ ॥

किसिहावृथं. विसदयानावृ. श्वस्रानिनजुलसां. तवशदनहालावृ. शानाप्रकारणा.
महासत्वरंजकुमारयागु. गुणावर्णानायानावृ. विलापयानं. हनंषचिलनावृ. पुत्रपनि
निस्संसलतावृ. तवसदयानावृ. आस्तादयकलं ॥ भोभोपुतामहाप्रणाद. महादेव. किजा
महासत्वरं. गणतयावृ. वयाधकं. मामनधावृ. गुवचननेनावृ. राजकुमारपनिस्पनछुंधा
यमफयावृ. हिहिजकामिनकावृ. वनयावित्सारथ्यअथ्येधक. कनेमफयावृ. विलाप
जुकोयानावृ. चोनं. ॥ थनंलिशानिनराजकुमारपनिसया. घालखयावृ. आस्तादयेकलभो
पुताधिर्जयानावृ. बुलुङ्गनजककवृ. हतासचायेमने. विलापयानागुलिन. शरिलिगना
वृवन. हनंअतिगहिजुयावृ. चोन. भोराजकुमारपनि. थोतेयाकारणाश. अतिपरिभ्रम
यायमनेधकं. धिर्जविद्यावृ. आस्तादयेकुगुडेनावृ. राजकुमारपनिसेन. फयाथ्यधिर्जयाना

॥ नमो ॥

॥ २२ ॥

वृ. किंजामहासत्त्वयागु. मकुटआदि. निलहिल. वस्त्रआदि. सकतां. देवनेतयावृ. लाहा
तहाजलयावृ. विनतियातं. ॥ भोमातोपितादुयाये. जि किंजामहासत्त्वया. महिमा
गरातविनतियाये. भोमाताहृपांजिपनिस्त्वसं. वराससितावृ. उहावृ. वं २३ रवनां.
तरसलानावृ. तवधनगुजोलस. व्याधीछलसया. मचावरेगु ३० हसकुतिनिदया
वचोनल. थवेल्स. थलव्याधीयावेकराणातयावृ. थमीसआहारादुषवधकडे. न. थ
वेलसजिनधया. भोकिना. जिह. व्याधु. लाइ. भालु. राक्षस. थपनिसयाआहाराजा. वि
नांसेद्यमांस. हि. लाकाकरगुमनस्यंसंतोषमगुवधकंकना. भोमाताथलिखल्लानावृ
स्वसंलिहावृ. था. थव्यलसचिभायभुथ्यनकावधाल. भोद्यगुपनि. जिनालिहावृ. नेमा
ल. छनवालसा. मामयोतधक. कयावृ. तयागु. स्वान. सिसाफलजोनावृ. वयेलोलमना

॥ गुरु ॥

॥ २२ ॥

जिनथथ्यंकयावहयधक.जिमितहेयकाव.थवएकांतलिहावनाव.निलहिलदकं
सिमायाचोसषायाव.धसव्याधीयात.मांसशनयात.भोमानाथ्सकहनावंतया.महिमा
गरातविनतियायेधकं.महादेवव.महाप्रणाद्वनिस्ससेन.विनतियाकगुडेनाव.राज
मंडिलसचोन.राजारानिधुभिति.सकलमंत्रीप्रभिति.काजिभारादार.समस्तपजालो
कपनिसयां.मनसकरुनावित्रजुयाव.हनंमहासत्वराजकुमारया.मनुकआदिनानाप
कारया.आभरणपनाव.मायानपीडलयाव.प्राणसमानस्त.राजकुमारन.गथीनकष्ट
नयाव.प्राणात्यागयातखेधक.भालपाव.महासत्वयागु.गुणज्ञानलुमनाव.नानाप
कारणविलापयानाव.शोकसंतापनदेश.ग्रामनगरसचोन.लोकधनिसकलें.हाहाका
लुयानाव.शोकसंतापनव्याप्रमानजुयावचोनं॥ ॥ध्वेलसरजपुरेहितनजुलुसा

॥ नमो ॥
॥ २३ ॥

राजारानिपनि सकलं हाहाकाराणां विलापयाकषणात् नानापुराणादिशास्त्रसचो
नगुमहिमा पुराणादिकनात् महारथराजाप्रभितिं सकललोकपनिस्तबोधयाना
व्रतलं ॥ थोवेलशराजाराणिप्रभितिं सकललोकपनिस्तबोधयानाव्रतलं ॥ थव्य
लसराजाराणिप्रभितिं सकललोकपनिसेन धिर्जयानात् बोधजुयात् संसारधया
गुअसालषवधकभालयात् पुरोहितयाद्यालखयावआतादयेकलं ॥ भोगुहआत्
थसमहासत्त्वराजकुमारयाभलिवनसवानाव्रतयमनेत् अस्तिप्रतिशयातवने
थुकियातविधिविधानगथ्यमालधक आतादयकागुडेनात् पंडितपनिसेनविन
तियातं ॥ भोमहाराज थथिनबोधि सत्त्वयाश्रलि प्रतिशयायेयात सुवर्णयाचेत्य
आदिपं नानाप्रकारया छत्र ध्वज पुताप चामल वज्र घंठ आदिपं सकतांदयेके

॥ गुरु ॥
॥ २३ ॥

मालधकविनतियाकगुनेनाव. राजानमंत्रिपनिसलनाव. आस्तादयेकलं. भोमंत्रिप
निभोवमहासत्वरजकुमारयाअस्तीप्रतिष्ठायातवनेयात. सुवर्णयाचैत्यआदिपं. नानाप्रकार
यापूजायासामाणीताललातकिन्नरनिधकं. आस्तादयेकगुनेनाव. मंत्रिपनिसेन. सामग्रीतया
रमानावदिलं॥ **॥**थनंलिमहारथराजान. थवगृहभुद्रयानाव. गुरुपुरोहितआदि. अनेगजो
तिकपंडितपनिसहितयानाव. सुवर्णयाचैत्यआदिपंजोनकाव. छत्रध्वज. पुताप. वामल. वज्र
घण्टइत्यान्याद्विषयकाव. नानावाद्यथातकाव. पूजाजालनमालकोरुयकाव. महाजात्रायानाव
समस्तलोकपनिमूनाव. गंधमानपर्वतस. महासत्वरजकुमारयाअस्ति. पुजायातवनेधक
सकललोकपिंसमस्तं. देशनपिहावनं॥ **॥**थनंलिगंधमानपर्वतसथेनकाव. महास
त्वरजकुमारया. गणप्राणत्यागयान. अनथेनकलेवनाव. समस्तलोकमुनाव. लोकवल

॥ नमो ॥

॥ २४ ॥

स. स्यात्सकलं विचारनात्र. चतुर्दिगसं. हिया. भेन लघुनात्र. हनं पर्वतकृतिन वयात्र. धूर
चोन गुथासजुत ववगु. सायषनात्र. महारथराजाप्रभिति. सकललोकयां. अतिकरुणाचि
त्रजुयात्र. नूगलन. शोकसंतापसहयायमफयात्र. नानाप्रकारन विलापयातं ॥ विलाप
यायां २ मूछाजुयात्र वनं. हनं वेश्यायात्र. हाये महासत्त्व २ छ्वांतजकंगराचोन वना. हा
यशात्ता २ छ्वांतगुणागारावनात्र लोलमनके. हाय पुता २ धकराजानि निस्त्रसयां. नूगलस
लाहातन दायात्र. ग्वलश्चुलात्र. ध्वं २ मूछाजुयात्र वनं. थथे मूछाजुयात्र. वनगुषनात्र. गु
हूपुराहितपनिसेन. शीतलगुलं खहयात्र. लंघतो नकात्र. चेतदयकात्र. धीर्जविद्यात्र. राजा
राशिप्रभिति. समस्तलोकपनिस्त्र. लाहातजोनात्र. थनात्र. राजारानि. निस्त्रसयाके विनतिया
तं ॥ भो महाराज. माहाएनि. धिर्जयानात्र विज्या ऊधक. नानामाथन. अनेगं पुरानादिभ्रांदिना

॥ गह ॥

॥ २४ ॥

नासास्त्रयाज्ञानतत्त्वकनाविचित्रविर्जयानावतलं ॥ ॥ यनंलि. एजा रानिप्रभिति. सक
ललोककुर्ययपानावतनयधूस्पंलि. महारथराजायामनस. धर्मज्ञानवधयनुयात्र. फ्या
थविर्जयानाव. अस्तिदकांवलमुनाव. एजा रानिप्रभितिबोधयानावतलं ॥ ॥ यनंलि
महारथराजान. थुगुअस्तिरोस. नवरत्न. पंचरत्न. रु. व्रह्म. अष्टधातुइत्यादिथुनाव. सुवर्ण
यावेत्यनतोकपुयाव. ध्वज. युताप. चामल इत्यादिवोयकाव. थुगुचैत्यथापनायाना
व. अनेगविधिविधानथ. श्रीखंराउनलेपनयानाव. गंगाजलनस्नानयातकाव. नानाप्र
कारयासुगंधवासनावयावचोनगु. स्नानमालानकोषायकाव. गुरुपुरोहितनहोमया
तकावचैत्यपतिष्टायानाव. सकतांधुनकाव. एणमाकर्णयानं. ध्वचैत्ययानामजुलं. ॐ न.
नमोबुद्धकनामप्रसिद्धयानावतलं ॥ ॥ भोभानंदमिशु. थोनेयाकारणसथुगुचैत्य

॥ नमो ॥

॥ २५ ॥

यानामः थनिया आवतले. ओं नमो व्रथ कधा यावतलतिनि. भो आनंद भिक्षु. हनं थल
महासत्त्व राजकुमारया भो मन. थुणवैत्पयात्त. पदक्षिना यानाव. शंख पुयाव. ङ्गलि
पुयाव. वज्र. घठ शेहलपाव. नाना प्रकारा. स्तोत्र. पाठ. यानाव. मालको श्रीया कर्म याय
धुनकाव. महारथ राजा प्रभिति. पर्जालोक घनिसकले. गंधवति पूरेन गरम. लिहावया
व. अनेग प्रकारा. धर्म कर्म दान पुंन यानाव. सुख आनंद नचोन गुले ॥ भो आनंद
भिक्षु. थल थूजु यावचोन ललुले. श्री पुतापाल मितांजु याव विज्या कल थुका. थवूवा
तङ्ग ललु यावचोन पिं सुधालसा. पंच बुध धायकाव विज्या कविं थुका. हनं थल. म.
लसत्त्व धायकावचोन लसुधालसा. श्री बुध धायकावचोन ल. महापुता रसुधालसा
मेजु श्रीया प्रवतात धर्म जे यावचोन ल. महादेव सुधालसा. संध धायकावचोन ल हे

॥ गुरु ॥

॥ २५ ॥

॥ नमो ॥

॥ २६ ॥

आनंदमिश्रः थनंलिकारांतरसः थलमहासत्वरजकसारतवधनः अलिथगुषवथ
काधकः श्रीशाक्यमुनिभगवाननः थुगुपकारणाः आसादयकगुनेनावः थलमभानदभि
धुपमुखं सभालोकसकलयां थिथिं चित्रबोधजुयात्रः आचार्यचायावधाले धं न्परसं
सारसत्त्वपानिसयोः चित्तयोभनुभावनः अथथथधककुनानं संध्यायायमपुधकउ
पोषधदेवपुत्रनं श्रीभगवानयाकेविनतियातं ॥ इति श्रीमहारथराजस्य व्याख्या
नकथायां नेपालभाषासंक्षेपसमाप्ता ॥ • ॥

॥ २६ ॥

॥ २६ ॥

धर्मरत्न बज्राचार्य सुरत श्री महाबिहार

DH
331